

72826

中華民國二十一年四月

平山縣志料集

黎錦熙題

重印平山縣志料集緣起

平山縣志料集於民國二十年七月脫稿付印乃石友三逞兵石莊而吾縣危急頻驚之秋也嗣於九月間教育局開初小教員秋假講習會之際各初小教員情願備價購閱以作添授鄉土課程之參考而其他人士之索求者亦絡繹不絕惜當初因款項無着只油印少許除呈報暨分送各機關等處外所餘無幾不克應付耳及二十年十一月開辦男女初小學校觀摩會後計畫購置獎品商諸局內同仁擬印贈志料作爲與考各校獎品之一並加印若干以遂索求諸公之心願乃將史事補遺及其他應行添列者一併列入於二十一年四月初旬遣魯之珍赴平購置獎品之際隨即交涉重印志料而適值敵局多故之秋爰於重行付印之際略識數語以誌紀念云爾

中華民國二十一年四月二十七日麟呈焦遇祥識於旅次

殿志 558

中華民國二十年八月

平山縣志料集

河北平山縣志料徵集處印

平山縣志料徵集處組織簡章

第一條 本處以遵照 省令由縣政會議決議組織之

第二條 本處以遵照 省令規定之門類徵集本縣志料分別彙集具報並藉以明瞭本縣社會之實況爲宗旨

第三條 本處設處長一人總攬本處一切事務由縣長兼任之

本處設總核員二人負指示校閱之責編輯主任二人負整理審核各門稿件之責均經縣政會議推定由縣長聘任之

本處設編輯員若干人秉承編輯主任負編輯各門稿件之責經編輯主任推薦由縣長聘任之

本處於必要時得添設採訪員若干人負調查搜集各門事項之責經編輯主任請由縣長聘任之

本處於必要時得任用書記若干人負繕寫印刷暨本處會計庶務等職責

第四條 本處各職員除書記外均爲名譽職但於辦公調查採訪時得酌予飯資旅費

第五條 本縣各機關學校團體對於本處有所咨詢調查或囑辦事件均須負責火速辦理是覆以免貽誤要公

第六條 本處經費由縣長設法籌撥之

第七條 本處暫由教育局內借估房屋數間設立之

第八條 本處編纂竣工後即行結束所遺稿件交由教育局妥爲保存以作續修縣志之準備

第九條 本簡章如有未盡事宜得由縣長隨時修正之

第十條 本簡章自公布之日施行

中華民國二十年四月 日由 縣政府公布施行

平山縣政府訓令 第 號

令志料處

爲令行事案查本府呈送志料暨影片拓片等件請鑒核由茲奉

河北省政府第一六六九號指令內開呈悉查所編志料頗詳瞻可採影片攝製尤極精工該縣長應記功一次所有編纂人員并予傳令嘉獎所送志料等件應發交通志館詳核併應令民政廳知照此令等因奉此合行令仰該處轉知編纂人員一體知照

此令

平山縣政
府印

中華民國二十一年二月二十九日

縣長金潤璧

平山縣志料序

平山乃漢之蒲吾縣唐之西平州縣分最古山環水繞自稱區域風景清幽甲於他處歷代賢哲卓卓足以自見者頗不乏人而邑乘之可考者則爲湯志乃有清康熙十一年平山縣知縣江左湯聘所修志稱平山舊誌昔爲嘉靖年間知縣李從今重修萬歷年間知縣苗峨然重訂舊簡灰燼之餘遺編殘蝕之次蒐集成帙則出於邑貢生王紀正弟子員康三立等之力居多其地理秩官版籍按籍而稽已約略得其大端矣嗣後歷百八十餘年迄咸豐癸丑歲王君子潔宗陸清獻公成法而重修之光緒癸亥歲唐君蔭桐復增輯田賦官師選舉人物藝文五門爲續志一編光緒二十四年知縣熊壽錢復合唐志而續修之稱爲續志蓋所以續王志而成之者也民元以還世運日新法制多所改革卽風俗禮文亦因之時有變更此二十年中其爲地方沿革事實之重大足堪記載者尤復不尠而倡之者寡文獻無徵識者病之今春奉令徵集志料爰召會議組織志料徵集處由地方紳耆按照令頒門類詳徵博採分頭進行並以教育局長焦君遇祥邑紳張君林人品端方學識宏通且具有時代思想公推爲編輯主任以總其成耆老田君蔭隆何君玉如博學多聞擔任總核以資參證於是衆擎易舉不數月而採集完備且於志料之外將名勝古物逐一查詢拍照共爲照片四十有五由教育局長附具說明另爲一編於七月下旬脫稿付印此本縣徵集志料之經過情形也溯自七月以來國事凋唐平山多故始而晉省潰兵入境擾亂繼而石軍佔據石門正定等縣於斯

時也四面皆兵頻聞風鶴謠傳四起一夕數驚而焦張二君一方握管凝思悉心編纂一方督梓付印未曾稍懈其定力有足多者耆紳田君蔭隆出其向所紀錄金石故聞時有出於舊有諸志之外者而徵引詳確足備他日之採集諸君皆純盡義務而能昕夕孜孜俾得以早日觀成其勤勞尤不可沒云

中華民國二十年八月十二日

平山縣縣長杭縣峙青金潤璧謹識

平山縣志料序

志料非縣志也民國二十年春省府以前徵各縣縣志或歲久失修徒資考古或操觚謏陋體例冗蕪完善之編殊不多覲實不足以周知省情裨補政務用特規定門類附以說明分行各縣徵集志料以補前徵縣志之缺漏而供行政之參考兼爲他日重修省志之準備於是 縣長奉令召開會議推選行政人員及碩學紳耆組織平山志料徵集處按照欸目博採旁徵詳審編纂以符功令余天資不敏學淺識陋謬以尸位教育濫竽其間偶有所述亦不過按譜填詞而已且此次徵集彙纂統係按照令頒門類依次叙列並非有所建樹僅堪爲異日續修縣志之資料幸毋以此視爲縣志則幸甚矣清咸豐年間邑宰王子潔有云竊以志之屬於一邑微焉者耳然而地勢之險夷土田之肥瘠風俗之美惡政教之得失世道之升降人才之盛衰治理之難易民性之好惡剛柔物產之貴賤羸絀前次官吏之貪廉仁暴皆於志乎匯其全雖名曰志究之紀傳志表無體不備非素擅三長豈易言修要之盛衰得失之林創造建設之圖絕非倉猝之間率爾操觚者之所可能是以召開會議之際一般碩學紳耆對此咸告不敏豈凡庸若余輩之所能濟事者哉爰於付印之際略示愚衷附於簡端以釋羣疑而免滋惑云爾

民國二十年八月十二日

麟呈焦遇祥謹識

平山縣志料門類目錄

疆域 卷一

沿革 位置 區域 面積

地理 卷二

山脉 河流 交通 關隘 名勝 古蹟

氣候 卷三

人口 卷四

物產 卷五

實業 卷六

行政 卷七

組織 財政 治安 自治

教育 卷八

金融 卷九

風土 卷十

宗教 民生 禮俗 歌謠 方言

平山縣志輯集

人物 卷十一

藝術 卷十二

著述 卷十三

金石 卷十四

故事 卷十五

史事 軼聞

外傳 卷十六

台口

...

...

...

...

...

平山縣志目錄

疆域

- | | | | |
|-----|-----|-----|-----|
| (1) | (2) | (3) | (4) |
| 沿革 | 位置 | 區域 | 面積 |

(1)沿革

平山縣在禹貢九州屬冀州冀州即今直隸山西二省及河南黃河以北奉天遼河以西之地後分九州為十一州則屬并州虞舜分冀東恒

即舊直隸之正定保定山西之舊太原大同等府周漢皆置并州周制同虞漢為今山西及陝西之舊延安林榆等府地後漢并州刺史治晉陽即今山西太原縣治北朝至唐遂專以山西舊太原府為并州春秋時屬晉國為

蒲邑因蒲水出中山蒲陰故名戰國時屬趙為番吾君地西漢時取蒲邑番吾二名置蒲吾縣治城在今

城東南十五里之蒲吾村隸常山郡常山郡原名恒山郡治元氏故城在今元氏縣西北三十里後避文帝諱改常山隋後為恒山郡唐又改為常山即舊直隸正定府及趙州地東漢因之凡四百餘年

無改革魏廢晉復置蒲吾仍屬常山後魏因之後周宣帝宣政元年置蒲吾郡以靈壽屬之隋開皇

十六年析蒲邑置房山縣一名嘉陽即今縣治亦以縣西北有房山故名之也大業初省蒲吾入井陘以房山

屬恒山郡義寧初於縣置房山郡又置蒲吾縣隸之隋僅二十餘年更置三次唐高祖武德初改為

嶽州相傳即西平州在今治城西一里四年州廢仍為房山縣屬并州後屬恒州恒州為後魏所置唐改為雲州即今

州秀容郡城即今忻縣北周移至常山即今直隸正定縣肅宗至德元年兼取西平房山二名改為平山縣屬鎮州五代因之（或又

謂歷晉五台太行西山萬山嵯峨至此而勢始平故曰平山）宋分中原為十五路則平山屬河北

路真定府漢真定國又為恒山郡旋改為常山北周置恒州唐改鎮州後唐建北都改真定府契丹號為中京明清皆為正定府金因之元因宋之路以設省則平山屬中

樞省正定路明沿省制而平山又屬北直隸省正定府清因之惟直隸無南北之分耳民國三年裁

府設道則平山屬保定道十七年裁道直屬河北省云

縣治土城一座為隋開皇十六年由蒲吾析置周圍四里零一百二十步舊高二丈八尺闊一丈

五尺金大定二年知縣賈彥重修有記明成化知縣董璽重修城門用磚石上建門樓四座每座三間角舖四座每座三間舖八座每座一間鐵裹門四合嘉靖三年知縣李應奎重修高闊增三尺許計高三丈根闊二丈頂闊一丈嘉靖十二年知縣王公重修置隱欄舖板於門樓扁其額曰東作南薰西成北拱嘉靖三十年知縣李從今重修創置磚堞口一千八百四十一個城上砌水溝七十一條吊橋四座城上東北隅築墩臺一座城外浚濠池各一道深一丈五尺闊一丈二尺池外護城堤各一道高一丈五尺根闊一丈二尺頂闊五尺堤外攔馬牆一道高一丈闊四尺隆慶四年知縣李遲春創建魁星閣一座在文廟前南城上樓下置鐵裹門一合門前建三汲橋萬曆二十一年知縣李天憲重修南門用石砌上建大樓一座角樓四座扁曰永禧有碑記萬曆三十七年知縣王宇清重修北城門用石砌又修東城樓併四城牆垣東關鑰門舊有小樓萬曆四十二年知縣陳楹改建龍吟樓一座有碑記崇禎間巡按衛公澄清移鎮平邑爰發贖銀二百兩修建西南角臺一座並用磚石砌四城角建明樓二座一曰山環一曰水帶兵憲楊公隨捐銀二百兩建西南砲臺一座郡守邱公捐銀二百兩建西北砲臺一座知縣區公亦捐銀一百兩建西北角臺一座有碑記知縣陳調元創修磚城未完破壞城內五街東街西街南街北街之外又有新街其地在縣衙西城隍廟後康熙九年知縣湯聘建營房三間使防兵輪宿又建民房二十餘座招募復業流民遂成集市今原建營房及民房雖廢其地基歸入東街所屬而續行修建之民

房已普遍全街仍稱新街云

縣治在東北隅明洪武初丞葉瑀建永樂以後迭經知縣朱貴張璟李應奎李從今相繼增修大堂三間名曰絜矩後名忠愛堂堂前爲戒石亭亭後改建保赤坊亭前爲儀門東西爲角門又前譙樓三間卽大門照壁一座康熙十一年知縣湯聘重修堂後爲退思所三間扁曰思補堂再後爲知縣宅正房七間東樓三間西房三間北花廳五間南書房三間東西廂房各二間東書房北屋四間西房二間大廚房五間堂左爲庫樓看樓房一間堂前爲儀仗庫軍器庫爲架擱庫東西對峙吏廨各十間儀門外東西各有常平倉廩舊志載軍需倉預備倉支應局東西收糧房十間久廢卽此地基清順治元年井陘土寇破城官衙民舍盡爲灰燼二年知縣裴承榮重修大堂二堂三堂後宅以及鼓樓贊政門皂等房順治三年知縣李善感宅西建譙樓一座康熙七年七月大雨縣宅盡圯康熙九年秋知縣湯聘重修乾隆三十四年知縣員家駒補修又於縣署西院堆山鑿池創建六角亭一座衙西北鑿井一眼題曰養泉道光二十五年知縣萬起鴻二十七年知縣張夢麟相繼補修西北爲馬號西南爲囹圄咸豐三年獄牆雨圯知縣王滌心補修嗣後雖屢壞屢修而改革無多惟民國十七年縣長王靜波將大堂改修爲中山俱樂部大門改修爲平山縣公署而建築局式爲之一變云竊按平山在河北邊陲接壤晉疆控扼要害脈祖大行萬山嵯峨地勢多險一旦北方多故東西尋隙則平山適當其衝是以修城鑿池建設衙署或意在防衛或勵精圖治而其要則在乎見犬

顧免亡羊補牢而有以治本治標之間耳用特附誌其因革以備參考

(2) 位置

平山縣居本省之西部縣治在縣境之東南三面環山滹水繞其東由治城東至正定縣界四十里至縣城七十里西至山西孟縣界一百二十里至縣城二百里南至獲鹿縣界三十五里至縣城五十里北至靈壽縣界三十里至縣城四十里東南至獲鹿縣界三十五里至縣城六十里西南至井陘縣界五里至縣城七十里東北至靈壽縣界十二里至縣城三十五里西北至山西五台縣界一百七十里至縣城二百九十六里縣境東西廣一百六十里南北長二百零五里

(3) 區域

平山地處山區居民除在城附近之平原外率多依山傍水因利乘便聚為村落大者數百戶小則三五家數十家一村不等是以向分三十六莊共計七百零二村自民國十七年七月實行編村後全縣共分五區編為三百二十村縣治所在為第一區共轄二十三村即 東街東關南街關西街關北街關王子村新安村東莊村煙堡 村孟嶺村南賈壁村中賈壁村北賈壁村沿莊村王母村孟賢壁村南澤營村王平村 其東為第二區共轄二十一村 中白樓中北白樓村張齊村東望樓村崗上村宋西冶村南頭丁西冶村西冶北頭 北白砂南白砂張堡村沿村田村古賢村石橋村永 區公所設白砂鎮第一學區講演所暨公安分局在焉即 樂村勝佛村水碾村義羊村河村東昆村上呂村上 黃壁村下黃壁村莊頭村邱陵 其南為第三區共轄八十一村區公所設回舍鎮第二學區講演所及七 村曲堤村川坊村鄭家庄村 東回舍南望樓張胡莊村封城村西大吾村東沿興村山興村近掌村封 莊區立高級小學校與公安分局在焉即 許大齊村東洞兒村南水村孟兒莊村冷泉村西回舍村北望樓村郜家